

na, 1. juli 1995. godine
na odgovornost. Vela-
predstavlja preduzeće
em prostoru.

(so-319)

81/95 u registarskom
r ovog suda proširenje
a zastupanje Zemljo-
leće podatke:

" iz Jablanice. p. o.
a malo prehrambenim
mbenim proizvodima;
zvodima; trgovina na
spoljna trgovina pre-
ne djelatnosti i spoljna
u okviru upisane dje-
zastupa i predstavlja
askom poslovanju bez
(so-320)

99/95 u registarskom
gistar ovog suda osni-
vlasništvu Uslužno i
port d. o. o. Mostar,

društvo jednog lica u
no i trgovinsko predu-
Mostar.

veliko i malo, trgovina
kretnih prodavaonica,
n proizvodima, proiz-
Preduzeće u pravnom
ulno i bez ograničenja
d direktor preduzeća
zeće bez ograničenja.
vlašćen je da zastupa
i vanjskom prometu.
(so-321)

ru sudija-porot- 650
izli

or i odgovorni urednik
257 - Poslovnica, Malta
0-603-1396 za dinarsko
mpa: »OKO« dd sa p. o.

smatra se proizvodom
z na promet proizvoda,
ju proizvoda koji služe

SLUŽBENI LIST

REPUBLIKE BOSNE I HERCEGOVINE



СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina IV - Broj 25

Petak, 7. juli/srpanj 1995.
SARAJEVO

Akontacija pretplate
se utvrđuje
kvartalno

282

Na osnovu čl. 2. i 16. Zakona o pomilovanju ("Službeni list SRBiH", broj 17/77 i "Službeni list RBiH", br. 6/92 i 13/94) i člana 49. stav 2. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici održanoj 29. juna 1995. godine, donijelo je

ODLUKU

**O DOPUNI ODLUKE O POMILOVANJU OSUĐENIH
LICA NA IZDRŽAVANJU KAZNE ZATVORA PO
SLUŽBENOJ DUŽNOSTI POVODOM 1. MARTA-DANA
NEZAVISNOSTI REPUBLIKE BOSNE I
HERCEGOVINE**

I

U Odluci o pomilovanju osuđenih lica na izdržavanju kazne zatvora po službenoj dužnosti povodom 1. marta-Dana nezavisnosti Republike Bosne i Hercegovine ("Službeni list RBiH", broj 8/95), poslije tečke V dodaju se nove tačke Va, Vb, Vc, Vč, I Vč, koje glase:

"Va.

Oslobadaju se od izdržavanja preostalog dijela kazne zatvora osuđena lica do jedne godine, osim osuđenih lica za krivična djela iz čl. 36, 44. i 51. stav 1, član 52. stav 3, član 53. stav 1, čl. 54, 55, 62, 88, 89, 90, 91 i 93, član 198. st. 1. i 2, čl. 199, 200. i 204. Krivičnog zakona RBiH, i to:

1. ČOLOMAN (Nasiba) ERVIN.

Vb.

Snizava se kazna zatvora za jednu godinu licima osuđenim preko jedne godine do pet godina, i to:

1. FERMIĆ (Šefke) EKREM
2. JUNUZOVIĆ (Sulejmana) HASE
3. KRAJINOVIĆ (Jusufa) NEDŽAD
4. MUJKIĆ (Muharema) SULEJMAN
5. SEJDIĆ (Agana) SENAD
6. SKULA (Bege) IRFAN
7. TALOVIĆ (Rasima) NIJAZ
8. ŽIVANOVIĆ (Augusta) KREŠIMIR

Vc.

Snizava se kazna zatvora za jednu godinu i šest mjeseci osuđenim licima preko pet do deset (10) godina zatvora, i to:

1. BEŠIĆ (Muhameda) REFIK
2. BUHIĆ (OMERA) OSMAN
3. HALILOVIĆ (Ramiza) ZIJAD
4. KARABDIĆ (Huse) MIRZET
5. KARIĆ (Fuada) NESMIN
6. KULENOVIĆ (Salke) HARIS

7. PAVIĆ (Marka) PAVAO
8. ŠAHIĆ (Bajre) HIDAJET
9. VEHAHOVIĆ (Nurage) SAFET

Vč.

Snizava se kazna zatvora za dvije godine osuđenim licima preko deset godina zatvora, i to:

1. ARNAUTOVIĆ (Safeta) IFET
2. AVDIĆ (Edhema) HUSEIN
3. ČENGIĆ (Osmana) MIRALEM
4. FERMIĆ (Ekrema) ERVIN
5. KAPETANOVIĆ (Džemala) EMIR
6. KAPETANOVIĆ (Mehmeda) SAMIR
7. KUDUZOVIĆ (Muje) MIRZET
8. MEŠANOVIĆ (Mustafe) NURIJA

Vč.

Pomilovanjem nisu obuhvaćena lica osuđena za krivična djela protiv čovječnosti i međunarodnog prava.

II

Ovu odluku objaviti u "Službenom listu RBiH".

Broj 02-248-361/95
29. juna 1995. godine
Sarajevo

Predsjednik
Predsjedništva RBiH,
Alija Izetbegović, s. r.

283

Na osnovu čl. 2. i 16. Zakona o pomilovanju ("Službeni list SRBiH", broj 17/77 i "Službeni list RBiH", br. 6/92 i 13/94) i člana 49. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 29. juna 1995. godine, donijelo je

ODLUKU O POMILOVANJU OSUĐENIH LICA

I

Oslobadaju se osuđena lica od izdržavanja kazne zatvora:

1. MEHURIĆ TAIB, iz Gračanice
2. KAMARIĆ MERSED, iz Gračanice
3. HATEMIĆ HAMDIJA, iz Gračanice
4. KABLAR SALEM, iz Sarajeva
5. AVDOVIĆ MUZAIF, iz Sarajeva
6. HATEMIĆ OSMAN, iz Gračanice
7. MULALIĆ HUSKO, iz Zenice
8. PODŽIĆ FAJKO, iz Sarajeva
9. AHMETOVIĆ RAMIZ, iz Kaknja
10. KOSTOVIĆ BRANISLAV, iz Sarajeva.

II

Ovu odluku objaviti u "Službenom listu RBiH".

Broj 02-248-362/95

29. juna 1995. godine

Sarajevo

Predsjednik

Predsjedništva RBiH,
Alija Izetbegović, s. r.

284

Na osnovu člana 20. stava 1. Zakona o okružnim vojnim sudovima ("Službeni list RBiH", br. 12/92, 21/92, 23/92, 17/93, 22/93, 13/94 i 28/94), Predsjedništvo Republike Bosne i Hercegovine, na sjednici od 29. juna 1995. godine, donijelo je

ODLUKU

O IZBORU SUDIJA-POROTNIKA OKRUŽNOG VOJNOG SUDA U DOBOJU

I

Za sudije-porotnike Okružnog vojnog suda u Doboju, biraju se:

1. BAŠIĆ (Ibrahima) BESIM
2. BEJTIĆ (Šefika) NIHAD
3. TURKES (Malage) ADIL
4. ČOLIĆ (Avde) MUNIB
5. TURKES (Huseina) ZIJAD
6. ČABRIĆ (Sulejmana) MUHAMED
7. KRILČEVIĆ (Murata) HAJRUDIN
8. MUJKIĆ (Asima) ZIJAD
9. AJANOVIĆ (Sulejmana) EDHEM
10. KONDŽIĆ (Adema) IZUDIN
11. MALKIĆ (Safeta) MIRALEM
12. ZUKANOVIĆ (Smaila) SEJDO
13. SULJIĆ (Muharema) HRUSTAN
14. KOPIĆ (Ibre) ALIJA
15. ČEMAN DŽEVAD
16. HUJDUR AHMET
17. AHMETOVIĆ (Edhema) EMIR
18. RIBIĆ (Muhameda) AJET
19. NAKIĆ (Huseina) AHMET
20. LJEVAKOVIĆ (Smaje) TAHIR

II

Ovu odluku objaviti u "Službenom listu RBiH".

Broj 02-111-366/95

29. juna 1995. godine

Sarajevo

Predsjednik

Predsjedništva RBiH,
Alija Izetbegović, s. r.

285

Na osnovu člana 49. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 29. juna 1995. godine, donijelo je

ODLUKU

O RAZRJEŠENJU I IZBORU ČLANA KOMISIJE ZA PREDSTAVKE I PRIJEDLOGE PREDSEDNIŠTVA REPUBLIKE BOSNE I HERCEGOVINE

I

Razrješava se dužnosti člana Komisije za predstavke i prijedloge Predsjedništva Republike Bosne i Hercegovine RADOVOVIĆ RASIM.

II

Za člana Komisije za predstavke i prijedloge Predsjedništva Republike Bosne i Hercegovine izabran je HODŽIĆ RASIM, dipl. pravnik iz Sarajeva.

III

Ovu odluku objaviti u "Službenom listu RBiH".

Broj 02-111-367/95

29. juna 1995. godine

Sarajevo

Predsjednik

Predsjedništva RBiH,
Alija Izetbegović, s. r.

286

Na osnovu Amandmana LI tačka 5. stav 3. na Ustav Republike Bosne i Hercegovine i čl. 82. i 90. Zakona o redovnim sudovima ("Službeni list SRBiH", br. 19/86, 25/88 i 33/89 i "Službeni list RBiH", br. 6/92, 11/92, 19/93, 13/94 i 12/95), Predsjedništvo Republike Bosne i Hercegovine, na sjednici od 29. juna 1995. godine, donijelo je

ODLUKU

O RAZRJEŠENJU SUDIJE OSNOVNOG SUDA II U SARAJEVU

I

Razrješava se dužnosti sudije Osnovnog suda II u Sarajevu AMILA ETEROVIĆ, na lični zahtjev, radi odlaska na drugu dužnost.

II

Ovu odluku objaviti u "Službenom listu RBiH".

Broj 02-111-368/95

29. juna 1995. godine

Sarajevo

Predsjednik

Predsjedništva RBiH,
Alija Izetbegović, s. r.

287

Na osnovu člana 20. Zakona o okružnim vojnim sudovima ("Službeni list RBiH", br. 12/92, 21/92, 23/92, 17/93, 22/93, 13/94, 28/94 i 33/94), na prijedlog ministra pravde, Predsjedništvo Republike Bosne i Hercegovine, na sjednici od 29. juna 1995. godine, donijelo je

ODLUKU

O RAZRJEŠENJU I IZBORU PREDSEDNIKA I SUDIJA OKRUŽNIH VOJNIH SUDOVA

I

Razrješava se dužnosti sudije Okružnog vojnog suda u Doboju SALIH MEMIĆ, radi odlaska na drugu dužnost.

II

Razrješava se dužnosti Okružnog vojnog suda u Doboju ALADIN MUJKANOVIC, radi odlaska na drugu dužnost.

III

Za predsjednika Okružnog vojnog suda u Doboju izabran je ALADIN MUJKANOVIC, dosadašnji sudija tog suda.

IV

Za sudiju Okružnog vojnog suda u Doboju izabran je DŽAVID SLAMNIK, pripadnik Armije RBiH.

V

Za sudiju Okružnog vojnog suda u Tuzli izabran je AMIR MORANKIĆ, dosadašnji sekretar tog suda.

VI

Ovu odluku objaviti u "Službenom listu RBiH".

Broj 02-111-372/95

29. juna 1995. godine

Sarajevo

Predsjednik

Predsjedništva RBiH,
Alija Izetbegović, s. r.

288

Na osnovu člana 11. Zakona o okružnom vojnom tužilaštvu ("Službeni list RBiH", br. 12/92, 21/92, 23/92, 22/93, 13/94, 28/94 i 33/94), na prijedlog ministra pravde, Predsjedništvo Republike Bosne i Hercegovine, na sjednici od 29. juna 1995. godine, donijelo je

ODLUKU

O IMENOVANJU OKRUŽNOG VOJNOG TUŽIOCA I
ZAMJENIKA OKRUŽNIH VOJNIH TUŽILACA

I

Za okružnog vojnog tužioca u Doboju imenovan je SALIH MEMIĆ, do sada sudija Okružnog vojnog suda u Doboju.

II

Za zamjenika okružnog vojnog tužioca u Doboju imenovan je FUAD PRNJAVORAC, pripadnik Armije Republike Bosne i Hercegovine.

III

Za zamjenika okružnog vojnog tužioca u Tuzli imenovan je ALMIR ŠINDRIĆ, pripadnik Armije Republike Bosne i Hercegovine.

IV

Ovu odluku objaviti u "Službenom listu RBiH".

Broj 02-111-373/95
29. juna 1995. godine
Sarajevo

Predsjednik
Predsjedništva RBiH,
Alija Izetbegović, s. r.

289

Na osnovu člana 124. stav 2. Zakona o državnoj upravi - Novi prečišćeni tekst ("Službeni list RBiH", broj 26/93), a u vezi sa članom 62. Zakona o porezu na promet proizvoda i usluga ("Službeni list RBiH", br. 5/95 i 9/95), ministar finansija, donosi

UPUTSTVO

O IZMJENAMA I DOPUNAMA UPUTSTVA O
PRIMJENI REPUBLIČKIH PROPISA U POSTUPKU
OBRAČUNA I NAPLATI DAŽBINA I POSTUPKU
PRIJAVLJIVANJA I KONTROLE ROBA

1. U Uputstvu o primjeni republičkih propisa u postupku obračuna i naplati dažbina i postupka prijavljivanja i kontrole roba ("Službeni list RBiH", broj 34/94) u tački 1. riječi: "1. Zakona o uvozu, carini i porezu na promet pri uvozu određenih proizvoda ("Službeni list RBiH", br. 15/94 i 20/94 - u daljem tekstu visokotarifni proizvodi koje" zamjenjuju se riječima: "62. Zakona o porezu na promet proizvoda i usluga ("Službeni list RBiH", br. 5/95 i 9/95), odnosno nafte i naftnih derivata, alkohola (etanola) i alkoholnih pića, bezalkoholnih pića, piva, duhanskih preradevina, kahve i preradevina od kahve, te zlata i proizvoda izrađenih od zlata i drugih plemenitih metala, koji"

2. U tački 3. riječi: "sve visokotarifne" briše se, a iza riječi "proizvode" dodaju se riječi: "iz tačke 1. ovog uputstva".

3. U tački 5. stavu 2. riječ: "visokotarifnih" briše se, a iza riječi "proizvoda" dodaju se riječi: "iz tačke 1. ovog uputstva".

4. Tačka 8. mijenja se i glasi:

"8. Uvoznik proizvoda iz tačke 1. ovog uputstva ne može dobiti dozvolu za kontingent i uvoz ovih proizvoda bez prethodno izdate potvrde Ministarstva finansija o izmirenim obavezama, po osnovu carina, drugih carinskih dažbina i poreza na promet po osnovu ranije ostvarenog uvoza.

Za dobijanje potvrde iz stava 1. ove tačke podnosilac zahtjeva dužan je Ministarstvu finansija podnijeti:

- JP obrazac za prethodni period ovjeren od strane Zavoda za platni promet Republike Bosne i Hercegovine;
- potvrdu Carinske uprave o realizovanom prethodnom kontingentu i izmirenju svih obaveza po osnovu carine i drugih carinskih dažbina;

- zahtjev i kopiju uplatnice o plaćenju administrativnoj taksi po Tar. broju 40. Zakona o administrativnim taksama i Tarifi republičkih administrativnih taksa ("Službeni list RBiH", br. 5/95 i 9/95).

Uvoznici duhanskih preradevina, dužni su podnijeti i garanciju poslovne banke za pokriće obračunatih carina, posebnog poreza i poreza na promet do visine podnijetog zahtjeva za uvoz.

5. Ovo uputstvo stupa na snagu danom objavljivanja u "Službenom listu RBiH".

Broj 05-021-6961/95

10. juni 1995. godine
Sarajevo

Zamjenik ministra
dr Izudin Kešetović, s. r.

290

Na osnovu člana 124. st. 2. i 5. Zakona o državnoj upravi - Novi prečišćeni tekst ("Službeni list RBiH", broj 26/93), ministar obrazovanja, nauke, kulture i sporta, donosi

UPUTSTVO

O ORGANIZIRANJU INSTRUKTIVNE NASTAVE U
INOZEMSTVU

1. Za učenike srednjih škola koji privremeno borave u inozemstvu kao izbjeglice iz Republike Bosne i Hercegovine, a koji se nisu mogli uključiti u redovan sistem školovanja u zemlji prijema ili ako nije bilo moguće osnovati srednju školu u skladu sa članom 6. Zakona o radu ustanova iz oblasti obrazovanja, nauke, kulture i sporta za vrijeme ratnog stanja ("Službeni list RBiH", br. 13/93 i 13/94), može se osnovati odjeljenje i organizirati instruktivna nastava i polaganje razrednih ispita radi nastavka obrazovanja koje su započeli u domovini.

2. Za osnivanje odjeljenja za organiziranje instruktivne nastave, potrebno je osigurati:

- grupu u kojoj je najmanje 10 učenika iste struke odnosno profila, stručnog zvanja ili zanimanja,
- nastavni kadar koji ispunjava uvjete u skladu sa Zakonom o srednjoj školi ("Službeni list SRBiH", broj 39/90 i "Službeni list RBiH", br. 3/93, 24/93 i 13/94),

- odgovarajući školski prostor opremljen školskim namještajem za broj učenika koji čine grupu,
- osnovna nastavna sredstva za realizaciju nastavnog programa,

- finansijska sredstva za izvođenje nastave iz svih nastavnih predmeta najmanje 75 % predviđenog godišnjeg fonda nastavnih sati i za polaganje razrednih ispita,

- odobrenje nadležnog organa zemlje prijema da se može organizirati izvoditi instruktivna nastava po programu Republike Bosne i Hercegovine i da se mogu organizirati razredni ispiti za te učenike.

3. Instruktivna nastava se realizira tokom školske godine u razredno-satnom sistemu u skladu sa Zakonom o srednjoj školi i Nastavnim planom i programom koji je odobren od Ministarstva obrazovanja, nauke, kulture i sporta Republike Bosne i Hercegovine.

Razredni ispiti polažu se po završetku instruktivne nastave u junu ili avgustu u skladu sa Pravilnikom o polaganju ispita u srednjoj školi ("Službeni list SRBiH", br. 13/81 i 11/87).

4. Rješenje o osnivanju odjeljenja za izvođenje instruktivne nastave i Rješenje o imenovanju Komisije za polaganje razrednih ispita donosi ministar obrazovanja, nauke, kulture i sporta (u daljem tekstu: ministar), na prijedlog diplomatsko-konzularnog predstavništva (u daljem tekstu: DKP).

DKP u prijedlogu za donošenje rješenja o osnivanju odjeljenja za izvođenje instruktivne nastave prilaže dokaze o ispunjavanju uslova iz tač. 1. i 2. ovog uputstva.

Rješenjem o izvođenju instruktivne nastave utvrđuje se broj učenika koji će u odjeljenju pohađati instruktivnu nastavu, razred koji pohađaju, zanimanje odnosno stručno zvanje koje izučavaju, ime rukovodioca instruktivne nastave i način finansiranja instruktivne nastave i polaganje razrednih ispita.

Rješenjem o imenovanju komisija za polaganje razrednih ispita utvrđuje se sastav komisije za svaki predmet, vrijeme i mjesto polaganja razrednih ispita i ime odnosno imena lica koja će pratiti tok ispita.

5. O izvođenju instruktivne nastave vodi se evidencija na propisanom obrascu - Odjeljska knjiga za učenike srednje škole ("Službeni list RBiH", broj 22/92).

O razrednim ispitima vodi se zapisnik na obrascu - Zapisnik o polaganju razrednog ispita ("Službeni list SRBiH", broj 25/91).

Za uredno vođenje i čuvanje matične knjige odgovoran je rukovodilac odjeljenja. Kada se matična knjiga popuni ili kada odjeljenje prestane sa radom matična knjiga se predaje DKP-u na dalje čuvanje.

Učeniku koji je sa uspjehom položio sve predmete predviđene nastavnim planom i programom izdaje se svjedodžba na propisanom obrascu ("Službeni list RBiH", br. 18/94 i 7/95).

Svjedodžbu potpisuje rukovodilac odjeljenja i odgovorno lice DKP-a zaduženo za poslove obrazovanja, a ovjerava se pečatom DKP-a.

6. O izvođenju nastave, organiziranju i provođenju polaganja razrednih ispita, ocjenjivanju, utvrđivanju općeg uspjeha, vođenju evidencije i dokumentacije i o drugim pitanjima koja nisu regulisana ovim uputstvom, a odnose se na instruktivnu nastavu i polaganje razrednih ispita u odjeljenju organiziranom u inozemstvu u skladu sa ovim uputstvom, primjenjuju se propisi koji se odnose na rad srednjih škola u Republici Bosni i Hercegovini.

7. Nadzor nad provođenjem ovog uputstva vodi Ministarstvo obrazovanja, nauke, kulture i sporta.

8. Ovo uputstvo stupa na snagu narednog dana od dana objavljivanja u "Službenom listu RBiH".

Broj 03-021-3124/95

19. juna 1995. godine

Sarajevo

Ministar
prof. dr Enes Karić, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 2. Ustava Republike Bosne i Hercegovine i člana 72. tač. 3. i 4. Poslovnika Ustavnog suda Bosne i Hercegovine, na sjednici održanoj 27. aprila 1995. godine, donio je

ODLUKU

Utvrđuje se da:

- Odluka o uvođenju posebnog ratnog poreza na promet proizvoda i usluga, koju je donijela Skupština Okruga Tuzla 28. 4. 1993. godine, u vrijeme od 1. 1. 1994. godine do prestanka važenja 6. 8. 1994. godine, nije bila u saglasnosti sa Ustavom i zakonom,

- Odluka o uvođenju posebnog ratnog poreza na promet proizvoda i usluga, koju je donijela Skupština Okruga Tuzla 6. 8. 1994. godine i Odluka o zavodenju posebne naknade na promet piva, koju je donio Izvršni odbor Opštine Tuzla 8. 7. 1993. godine, u vrijeme važenja nisu bile u saglasnosti sa Ustavom i zakonom.

Ukida se Rješenje o visini naknade za puteve iz cijena motornog benzina i dizel goriva, broj 03/1-105/94, koje je donio Izvršni odbor Okruga Tuzla 17. 3. 1994. godine.

Ova odluka objavit će se u "Službenom listu RBiH".

O b r a z l o ž e n j e

Prijedlogom Društva sa ograničenom odgovornošću za proizvodnju, unutrašnju i vanjsku trgovinu "SOLI" Tuzla, od 13. 10. 1994. godine, pokrenut je postupak za ocjenjivanje ustavnosti i zakonitosti navedenih odluka i rješenja.

Odlukom Skupštine Okruga Tuzla od 28. 4. 1993. godine, uveden je poseban ratni porez na promet proizvoda i usluga na teritoriji Okruga Tuzla radi finansiranja oružanih snaga i utvrđeni obveznici ovog poreza, poreska osnovica, stope, olakšice i oslobođanja, način obračuna i naplate. Ova odluka prestala je

da važi danom stupanja na snagu Odluke o uvođenju posebnog ratnog poreza na promet proizvoda i usluga, koju je donijela Skupština Okruga Tuzla 6. 8. 1994. godine. Tom odlukom, koja se primjenjivala do 31. 12. 1994. godine, uređena su ista pitanja kao i Odlukom od 28. 4. 1993. godine, ali je propisano da se obračun i uplata posebnog ratnog poreza vrši isključivo u DEM.

Rješenjem Izvršnog odbora Okruga Tuzla, broj 03/1-105/94 od 17. 3. 1994. godine, utvrđena je visina naknade za puteve iz cijene motornog benzina i dizel goriva koju obračunava i plaća uvoznik motornog benzina i dizel goriva, i određeno da se plaća u deviznim sredstvima (DEM).

Odlukom Izvršnog odbora Opštine Tuzla od 8. 7. 1993. godine, koja je bila na snazi do 23. 6. 1994. godine, uvedena je posebna naknada na promet piva "u cilju obezbjeđivanja sredstava za logističku podršku OS Armije RBiH Tuzla i regulisanja tržišta piva". Ova posebna naknada utvrđena je u deviznim sredstvima (DEM), a u deviznim sredstvima su utvrđene i novčane kazne. Obveznici obračuna i plaćanja posebne naknade za promet piva su proizvođač DD "Pivara" i uvoznici piva, a naknada se dodaje na proizvođačku cijenu i ulazi u osnovicu za obračun poreza na promet.

Ustavom Republike Bosne i Hercegovine, Republika je ovlaštena da preko republičkih organa, u okviru svojih prava i dužnosti utvrđenih Ustavom, uređuje poreski sistem, sistem taksa i drugih dažbina i da odlučuje o obimu i načinu finansiranja opštih i drugih društvenih potreba u Republici (član 304. stav 1. tačka 8.). Sistem, izvori i vrste poreza, taksa i ostalih dažbina utvrđuju se zakonom (član 292.).

Zakonom o finansiranju opštih društvenih potreba ("Službeni list SRBiH", br. 33/90 i 38/91) uređen je sistem finansiranja opštih društvenih potreba koje se zadovoljavaju u društveno-političkim zajednicama i utvrđeno je koji su izvori prihoda za finansiranje opštih društvenih potreba od opštine do Republike, a izvorni prihodi utvrđeni su samo za Republiku i opštine.

Po odredbama Zakona o primjeni Zakona o finansiranju opštih društvenih potreba ("Službeni list RBiH", br. 11/92, 3/93, 8/93, 19/93, 27/93 i 13/94), društveno-političke zajednice su mogle do 31. 12. 1993. godine uvoditi nove izvore prihoda i ukinuti postojeće (član 20.), a nakon tog datuma ovo ovlaštenje ima samo Republika.

Prema tome, Okrug Tuzla nije imao ovlaštenja da uvede poseban ratni porez na promet proizvoda i usluga za finansiranje oružanih snaga Republike Bosne i Hercegovine Odlukom od 6. 8. 1994. godine, a od 1. 1. 1994. godine prestala je pravna važnost i Odluke donesene 28. 4. 1993. godine.

Zakonom o deviznom poslovanju ("Službeni list RBiH", br. 10/94, 13/94, 25/94, 33/94, 5/95 i 9/95) propisano je da se devize mogu koristiti samo za plaćanje prema inostranstvu osim ako ovim zakonom nije drukčije određeno (član 3.).

Zakonom o uslovima pod kojima se prava i obaveze i poslovi u zemlji mogu izvršavati i izražavati u stranim sredstvima plaćanja ("Službeni list RBiH", br. 16/94 i 33/94), koji je bio na snazi u toku 1994. godine, propisano je da se republički prihodi, prihodi drugih društveno-političkih zajednica, obaveze prema javnim i komunalnim preduzećima i preduzećima od posebnog interesa za Republiku i plate i druga lična primanja zaposlenih u domaćim pravnim i fizičkim licima ne mogu izvršavati u devizama, izuzev prihoda i obaveza koji se, u skladu sa posebnim propisima ili odobrenjem Ministarstva finansija, izvršavaju u devizama (član 9. stav 1.).

Navedeni zakoni ne daju mogućnost za propisivanje plaćanja u deviznim sredstvima obaveza utvrđenih Odlukom Okruga Tuzla od 6. 8. 1994. godine, pa i iz tog razloga ova odluka, u vrijeme važenja, nije bila u saglasnosti sa zakonom.

Zakonom o putevima ("Službeni list SRBiH", broj 10/90 i "Službeni list RBiH", br. 21/93 i 13/94) propisano je da se sredstva za izgradnju, rekonstrukciju, održavanje i zaštitu pu-

teva obezbjeđuju, pored ostalog, iz naknade za puteve sadržane u maloprodajnoj cijeni benzina i dizel goriva (član 63.), čiju visinu i raspodjelu utvrđuje Vlada RBiH. Odlukom o prometu motornih benzina, dizel goriva i lož ulja ("Službeni list RBiH", broj 16/94), koju je donijela Vlada RBiH propisano je da u strukturu cijene u veleprodaji i maloprodaji motornih benzina i dizel goriva ulazi i porez na promet (tačka V) te da je u iznosu poreza na promet sadržana naknada za puteve (tačka VII).

Zakonom o uvozu, carini i porezu na promet pri uvozu određenih proizvoda ("Službeni list RBiH", broj 15/94), uređeni su uvoz, carina i porez na promet proizvoda, pored ostalih roba, za naftu i naftne derivate. Poreske stope poreza na promet utvrđene su u određenom postotku na poresku osnovicu (član 6.), koju čini uvozna cijena nafte i naftnih derivata uvećana za zavisne troškove i troškove trgovine (marža), a propisom Vlade RBiH uređuje se obračun i način formiranja cijene nafte i naftnih derivata (član 5. st. 1. i 2.).

Zakonom o posebnom porezu na naftne derivate ("Službeni list RBiH", broj 5/95), uveden je poseban porez i za motorni benzin i dizel gorivo, i propisano je da je cijena naftnih derivata jedinstvena za područje Republike i da se utvrđuje propisom Vlade RBiH (član 22.).

S obzirom da je Republika donijela propise kojima je uredila naknadu za puteve iz cijene motornog benzina i dizel goriva, koja predstavlja izvor prihoda za finansiranje određenih opštih društvenih potreba, Okrug Tuzla nije imao ovlaštenje da uređuje ovo pitanje. Iz navedenog razloga osporeno rješenje nije u saglasnosti sa Ustavom i zakonom.

Zakonom nije data mogućnost za propisivanje plaćanja u deviznim sredstvima obaveza utvrđenih osporenim rješenjem, pa je i iz tog razloga ovo rješenje u nesaglasnosti sa zakonom.

Odluka U broj 30/94
27. aprila 1995. godine
Sarajevo

Prava i dužnosti predsjednika
Ustavnog suda BiH vrši sudija,
prof. dr Ismet Dautbašić, s. r.

Narodna banka Bosne i Hercegovine

Na osnovu čl. 45, 46, 76. tačka 4), 83. i 87. Zakona o Narodnoj banci Bosne i Hercegovine ("Službeni list RBiH", broj 1/93 i 13/94), čl. 16. i 71. Statuta Narodne banke Bosne i Hercegovine ("Službeni list RBiH", broj 27/93) i Rješenja guvernera Narodne banke Bosne i Hercegovine, 01-226-1/94 od 16. II 1994. godine, viceguverner Narodne banke Bosne i Hercegovine, donosi

ODLUKU

O ZAMJENI POHABANIH I OŠTEĆENIH NOVČANICA I OŠTEĆENOG KOVANOG NOVCA

1. Narodna banka Bosne i Hercegovine (u daljem tekstu: Narodna banka) zamjenjuje pohabane i oštećene novčanice i oštećeni kovani novac, koji se povlači iz opticaja i prestaje biti zakonsko sredstvo plaćanja na način propisan ovom odlukom.

2. Zamjenu pohabanih novčanica obavlja Narodna banka u punom iznosu.

Pohabanim novčanicama, iz stava 1. ove tačke, smatraju se novčanice koje su uslijed upotrebe dotrajale ili koje svojim izgledom ne odgovaraju zahtjevima i potrebama normalnog novčanog opticaja.

3. Zamjena oštećenih novčanica obavlja se u punom iznosu novčanica:

1) novčanice koje su uslijed upotrebe dotrajale, ali su pored toga i iscijepane na dva ili više dijelova, pa su njihovi dijelovi lijepljenjem sastavljeni u cijele novčanice;

2) novčanice koje su izgledom podobne za opticaj, ali su oštećene pisanjem, crtanjem, polivene tintom, bojom odnosno masnoćom, nagorjele, progorjele, nagrižene, natrule, izbljedile pri pranju odnosno uslijed djelovanja hemikalija i slično, a oštećenje ne prelazi 40% površine ispravne novčanice;

3) novčanice koje su uslijed upotrebe dotrajale, ali su pored toga oštećene na jedan od načina navedenih u podtački 2) ove tačke;

4) novčanice kojima nedostaje dio površine najviše do 6% ispravne novčanice (dozvoljeno oštećenje), s tim što to oštećenje može biti na jednom ili više mjesta na novčanici, ali ukupno najviše 6% i

5) novčanice koje su zacičepjene, bez obzira na dužinu zacičepjenja.

4. Zamjena oštećenih novčanica obavlja se uz naknadu od 5% od nominalne vrijednosti novčanica:

1) novčanice čija veličina (dio podnesen na zamjenu u cijelom komadu) iznosi najmanje 60% od površine ispravne novčanice;

2) novčanice koje su iscijepane na dva ili više dijelova, pa su lijepljenjem sastavljene u cijele novčanice, a koje bi, da nisu pocičepjene, i dalje bile podobne za opticaj;

3) novčanice koje su cijele i podobne za opticaj, ali su oštećene na jedan od načina navedenih u tački 3. podtački 2) ove odluke, a oštećenje prelazi 40% površine ispravne novčanice.

5. Ne zamjenjuju se novčanice, kod kojih veličina novčanice (dio podnesen na zamjenu u cijelom komadu) iznosi manje od 60% veličine ispravne novčanice.

6. Ako se podnosi na zamjenu novčanica sastavljena od dijelova više novčanica, istog ili različitog apocena odnosno izdanja, pri procjeni oštećenja, dijelovi raznih novčanica se odvajaju i za svaki dio posebno procjenjuje da li ispunjava uslove za zamjenu propisane u tački 4. podtački 1) ove odluke.

7. Step en oštećenja novčanica utvrđuje se upotrebom mjera od providnog materijala, izrađenih za svaki apoen i izdanje novčanica posebno, s tim što je svaka mjera podijeljena na 100 jednakih pravougonika, pri čemu jedan pravougaonik odgovara jednom procentu (1%) veličine cijele novčanice.

Pri utvrđivanju stepena oštećenja novčanica pomoću mjera iz stava 1. ove tačke uzimaju se u obzir samo potpuno pokriveni pravougaonici.

8. Zamjena oštećenog kovanog novca obavlja se:

1) oštećeni srebrni kovani novac uz naplatu naknade od 20% od nominalne vrijednosti srebrnog kovanog novca;

2) ostali oštećeni kovani novac u punom iznosu.

Zamjenjuju se cijeli i originalni apoeni oštećenog kovanog novca iz stava 1. ove tačke koji su postali nepodobni za opticaj djelovanjem vanjskih sila.

9. Zamjena makulatura novčanica i kovanog novca, koji se kao zakonsko sredstvo plaćanja nalazi u opticaju, obavlja se u punom iznosu.

Makulaturama novčanica i kovanog novca, u skladu sa ovom odlukom, smatraju se primjerci novčanica i kovanog novca, koji su izradjeni s izvjesnom greškom i kao takvi omaškom pušteni u opticaj.

10. Zamjena novčanica i kovanog novca iz ove odluke se obavlja u rokovima koje utvrdi odlukom Narodna banka.

11. Ova odluka stupa na snagu osmog dana od dana objavljivanja u "Službenom listu RBiH".

G broj 22/95

12. april 1995. godine
Sarajevo

Viceguverner
Narodne banke BiH,
dr Obrad Piljak, s. r.

Na osnovu čl. 16. i 82. stav 1. pod a)/8. Zakona o Narodnoj banci Bosne i Hercegovine ("Službeni list RBiH", broj 1/93 i 13/94), guverner Narodne banke Bosne i Hercegovine, donosi

ODLUKU

O IZMJENAMA I DOPUNAMA ODLUKE O KAMATNIM STOPAMA NARODNE BANKE BOSNE I HERCEGOVINE

1. U Odluci o kamatnim stopama Narodne banke Bosne i Hercegovine ("Službeni list RBiH", broj 14/95), tačka 7. mijenja se i glasi:

"Kamatne stope propisane ovom odlukom obračunavaju se i naplaćuju na tromjesečnom nivou, metodom komformnih koeficijenata.

Narodna banka će kamate iz tač. 1 i 2. ove odluke obračunati do petnaestog u mjesecu za protekli kvartal, a banke i druga pravna lica (u daljem tekstu: banke) su dužne platiti obračunatu kamatu do dvadesetog u mjesecu za protekli kvartal.

Narodna banka će kamate iz tačke 3. ove odluke obračunati do petnaestog u mjesecu za protekli kvartal i platiti obračunatu kamatu do dvadesetog u mjesecu za protekli kvartal.

Narodna banka će kamate iz tačke 4. na kredite i druga potraživanja koja nisu vraćena u ugovorenom roku kao i nemamjenski i nepropisno korištene kredite obračunati do petnaestog u mjesecu za protekli kvartal i platiti obračunatu kamatu do dvadesetog u mjesecu za protekli kvartal.

Banka će kamate iz tačke 4. na iznos sredstava korištenih iznad iznosa raspoloživog pokrića na žiro-računima banaka i drugih depozitnih organizacija i na iznos razlike između propisane i ostvarene minimalne likvidnosti u novčanim sredstvima i blagajničkim zapisima, na osnovu propisa o načinu održavanja minimalne likvidnosti i posebne rezerve likvidnosti, kao i na iznos sredstava obavezne rezerve korišten suprotno propisanim uslovima i načinu korištenja obavezne rezerve radi održavanja dnevne likvidnosti banaka, obračunati do petnaestog u mjesecu za protekli kvartal i platiti obračunatu kamatu do dvadesetog u mjesecu za protekli kvartal.

Izuzetno, rokovi iz st. 2, 3, 4. i 5. ove tačke teku od dobivanja izvoda o stanju računa za posljednji dan proteklog kvartala.

Pri obračun kamata u skladu sa ovom odlukom sastaviće se za period 1. juli-30. septembar 1995. godine."

2. Ova odluka stupa na snagu danom objavljivanja u "Službenom listu RBiH", a primjenjivat će se od 1. jula 1995. godine.

G broj 49/95

29. juni 1995. godine
Sarajevo

Guverner

Narodne banke BiH,
Kasim Omićević, s. r.

Na osnovu člana 13. st. 3, 20 i 21. i člana 82. stav 1. pod a)/10. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine donosi

ODLUKU

O DOPUNAMA ODLUKE O NAČINU ODRŽAVANJA MINIMALNE LIKVIDNOSTI BANAKA

1. U Odluci o načinu održavanja minimalne likvidnosti banaka ("Službeni list RBiH", broj 19/94) u tački 1. iza stava 2. dodaju se novi st. 3. i 4. koji glase:

"Izuzetno, banke mogu, da u blagajničkim zapisima Narodne banke računajući u prosjeku za jedan mjesec, drže iznos najmanje u visini od 4% dinarskih kratkoročnih izvora sredstava, prema knjigovodstvenom stanju tih sredstava na kraju prethodnog mjeseca pod uslovom, da sredstva plasiraju za kreditiranje proizvodnje, zaliha i rezervi osnovnih poljoprivredno-prehrambenih proizvoda.

Pravo iz stava 3. ove tačke mogu koristiti i banke koje sredstva iz stava 3. ove tačke plasiraju putem drugih banaka."

2. Dosadašnji st. 3, 4, 5. i 6. postaju st. 5, 6, 7. i 8.

3. Iza tačke 4. dodaje se tačka 4a. koja glasi:

"Prvi obračun u skladu sa ovom odlukom banke su dužne da podnesu Narodnoj banci za period 11. juni - 10. juli 1995. godine."

4. Ova odluka stupa na snagu danom objavljivanja u "Službenom listu RBiH", a primjenjivat će se od 1. jula 1995. godine.

G broj 50/95

29. juni 1995. godine
Sarajevo

Guverner

Narodne banke BiH,
Kasim Omićević, s. r.

Na osnovu čl. 10, 11, 12. i 82. stav 1. pod a)/1, 4. i 5. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine donosi

ODLUKU

O DOPUNAMA ODLUKE O UTVRĐIVANJU VISINE, NAČINA I ROKOVA ZA OBRAČUNAVANJE I IZDVAJANJE OBAVEZNE REZERVE

1. U Odluci o utvrđivanju visine, načina i rokova za obračunavanje i izdvajanje obavezne rezerve ("Službeni list RBiH", br. 36/94 i 14/95), u tački 2. iza stava 1. dodaju se novi st. 2. i 3. koji glase:

"Izuzetno, banke mogu obračunavati i izdvajati obaveznu rezervu na depozite iz stava 1. podtačke a) ove tačke, po stopi od 10%, ukoliko razliku do utvrđene stope iz stava 1. podtačke a) ove tačke plasiraju za kreditiranje proizvodnje, zaliha i rezervi osnovnih poljoprivredno-prehrambenih proizvoda.

Pravo iz stava 2. ove tačke mogu koristiti i banke koje sredstva iz stava 2. ove tačke plasiraju putem drugih banaka."

2. Dosadašnji stav 2. tačke 2. postaje stav 4.

3. U tački 3. iza stava 2. dodaje se novi stav 3. koji glasi:

"Prvi obračun obavezne rezerve u skladu sa ovom odlukom banke sastavljaju za juni 1995. godine."

4. Ova odluka stupa na snagu danom objavljivanja u "Službenom listu RBiH", a primjenjivat će se od 1. jula 1995. godine.

G broj 51/95

29. juni 1995. godine
Sarajevo

Guverner

Narodne banke BiH,
Kasim Omićević, s. r.

SLUŽBENE OBJAVE

PROGLAŠENJE UMRLIM

Osnovni sud I u Sarajevu, poziva ČERANIĆ DRAGOMIRA, sin Mihajla i majke Sofije, rođene Đerić, rođen 8. 6. 1943. g. u Sokolovićima, SO Sokolac, da se javi ovom sudu u roku od 30 dana od dana objavljivanja oglasa.

U isto vrijeme poziva se svaka osoba koja ma šta zna o životu ili smrti Čeranić Dragomira, sin Mihajla, da se javi ovom sudu u istom roku.

Nestali Čeranić Dragomir, sin Mihajla, nestao je dana 6. 5. 1992. g. u Ul. Hasana Brkića bb Sarajevo, i ništa se ne zna o životu ili smrti.

Po isteku roka oglašavanja nestali Čeranić Dragomir sin Mihajla, bit će proglašen umrlim. (so-421/95)

Osnovni sud I u Sarajevu poziva MIHAJLOVIĆ DANKA, sin Vaskrsije i majke Ljeposave, rođene Maksimović, rođen 27. 7. 1935. godine u Donjoj Brijesnici, SO Lukavac, da se javi ovom sudu u roku od 30 dana od dana objavljivanja oglasa.

U isto vrijeme poziva se svaka osoba koja ma šta zna o životu ili smrti Mihajlović Danka, sin Vaskrsije da se javi ovom sudu u istom roku.

Nestali Mihajlović Danko, sin Vaskrsija nestao je dana 8. 2. 1993. godine u Donjoj Brijesnici i ništa se ne zna o njegovom životu ili smrti.

Po isteku roka oglašavanja nestali Mihajlović Danko, sin Vaskrsija bit će proglašen umrlim. (so-428/95)

IZGUBLJENI PEČATI-ŠTAMBILJI

Oglašava se nevažećim okrugli pečat, prečnika 30 mm sa tekstom: "VOJNA JEDINICA 5024 JABLANICA - 2"

(so-422/95)

Oglašava se nevažećim pečat okruglog oblika, dimenzije 30 mm i 10 mm, sa ispisanim tekstom: Republika Bosna i Hercegovina, Opština Novi grad Sarajevo, Opštinski sekretarijat za narodnu odbranu Sarajevo". (so-424/95)

Oglašavaju se nevažećim tri pečata (veliki, srednji i mali) i štambilj. Pečati su okruglog oblika, prečnika 40, 30 i 20 mm. Tekst na pečatima je identičan, ispisan latinicom i ćirilicom: Republika Bosna i Hercegovina, Općina Centar, Općinski sekretarijat za narodnu odbranu Sarajevo. U sredini se nalazi grb RBiH. (so-425/95)

Oglašavaju se nevažećim:

- 2 pečata okruglog oblika, promjera 25 i 50 mm sa tekstom ispisanim latinicom i ćirilicom: Republika Bosna i Hercegovina, Okrug Sarajevo, Okružni sekretarijat odbrane Sarajevo, broj 1, u sredini grb RBiH;

- štambilj Okružnog sekretarijata odbrane sa tekstom: Republika Bosna i Hercegovina, Okrug Sarajevo, Okružni sekretarijat odbrane - Okružni sekretarijat obrane, broj: ..., 199 ... godine, Sarajevo;

- 2 pečata okruglog oblika, promjera 27 i 50 mm sa tekstom ispisanim latinicom i ćirilicom: Republika Bosna i Hercegovina, Grad Sarajevo, Gradski sekretarijat za odbranu Sarajevo, u sredini grb RBiH;

- štambilj Gradskog sekretarijata odbrane sa tekstom: Republika Bosna i Hercegovina, Skupština grada Sarajeva, Gradski sekretarijat za narodnu odbranu Sarajevo, Primljeno: ..., Org. jed., Broj: Prilog Vrijednost;

- štambilj Gradskog sekretarijata odbrane sa tekstom: Republika Bosna i Hercegovina, Skupština grada Sarajeva, Gradski sekretarijat za narodnu odbranu Sarajevo, ----- Broj: Datum: 19 Poštanski fah 02-636 (so-426/95)

REGISTRACIJE

Viši sud u Mostaru rješenjem UF/I-110/95 u registarskom ulošku broj 1-248 upisao je u sudski registar ovog suda osnivanje društva jednog lica Društvo jednog lica za unutrašnju i vanjsku trgovinu "FLESH-COMMERCE" EXPORT-IMPORT Mostar, slijedeće podatke:

Meškić (Alije) Jasmin iz Mostara osnovao je društvo jednog lica pod firmom: Društvo jednog lica za unutrašnju i vanjsku trgovinu "Flesh-commerce" export-import d. o. o. Mostar, ul. Maršala Tita bb.

Djelatnost Društva je trgovina na veliko i malo, trgovina u tranzitu, trgovina putem akvizitera i pokretnih prodavnica prehrambenim i neprehrambenim proizvodima, ugostiteljstvo, turizam i turističko posredovanje i usluge.

Društvo u pravni promet sa trećim licima stupa bez ograničenja, a za svoje obaveze odgovara svojom cjelokupnom imovinom-potpuna odgovornost.

Meškić (Alija) Jasmin, osnivač zastupa i predstavlja preduzeća u vanjsko trgovinskom prometu.

Fejzić r. Meškić (Alija) Jasmin zastupa Društvo samo u unutrašnjem prometu. (so-322)

Viši sud u Mostaru rješenjem UF/I-54/95 u registarskom ulošku broj 1-197 upisao je u sudski registar ovog suda promjenu naziva firme, sjedište i proširenje Preduzeće "BAJTA", Export-import, slijedeće podatke:

Preduzeće je promijenilo naziv u: Preduzeće za trgovinu i usluge "MS 57" E, D. O. O. Export-import, sa potpunom odgovornošću.

Preduzeće je proširilo djelatnost sa: trgovina u tranzitu, prehrambenim i neprehrambenim proizvodima, proizvodnja kamena, šljunka i pijeska, proizvodnja građevinskog materijala, građevinarstvo: niskogradnja i visokogradnja, instalacioni i završni radovi u građevinarstvu, izvođenje investicionih radova u inozemstvu i ustupanje istih stranoj osobi u zemlji, prodaja strane robe sa konsignacionog skladišta. (so-323)

Viši sud u Mostaru rješenjem UF/I-116/95 u registarskom ulošku broj 1-245 upisao je u sudski registar ovog suda osnivanje DJL u privatnom vlasništvu Preduzeće za trgovinu, ugostiteljstvo i usluge "DESTINY", slijedeće podatke:

Salihović Himzo iz Konjica osnovao je društvo jednog lica u privatnom vlasništvu pod firmom: Preduzeće za trgovinu, ugostiteljstvo i usluge "Destiny" d. o. o. Konjic, sa sjedištem u Konjicu, ul. Braće Agića br. 111.

Djelatnost preduzeća je: trgovina na malo i veliko, prehrambenim i neprehrambenim proizvodima, prevoz putnika u cestovnom prometu, ugostiteljske usluge i usluge špedicije, u unutrašnjem u vanjskom prometu. Preduzeće u pravni promet sa trećim licima stupa bez ograničenja u okviru registrovane djelatnosti-potpuna odgovornost. Salihović Himzo, direktor preduzeća, zastupa preduzeće u unutrašnjem i vanjskom prometu bez ograničenja. (so-324)

Viši sud u Mostaru rješenjem UF/I-119/95 u registarskom ulošku broj 1-247 upisao je u sudski registar ovog suda osnivanje DJL u privatnom vlasništvu Uslužno i trgovinsko preduzeće "DŽENI" Export-Import, slijedeće podatke:

Trnovac Salko iz Mostara osnovao je djl u privatnom vlasništvu pod firmom: Uslužno i trgovinsko preduzeće "Dženi" Export-Import djl d. o. o. Mostar.

Djelatnost preduzeća u unutrašnjem i vanjskom prometu je trgovina na veliko i malo, uvoz-izvoz prehrambenim i neprehrambenim proizvodima prema Nomenklaturi trgovinskih struka, usluge opravke održavanja i servisiranja kućanskih električnih aparata. Preduzeće nastupa samostalno a odgovornost je potpuna. Trnovac Salko, direktor preduzeća, bez ograničenja u unutrašnjem i vanjskom poslovanju. (so-325)

Viši sud u Mostaru rješenjem UF/I-87/95 u registarskom ulošku broj 1-220 upisao je u sudski registar ovog suda osnivanje DJL u privatnom vlasništvu Preduzeće za završne radove u građevinarstvu "ADAPTER", slijedeće podatke:

Džiho Ramiz iz Mostara, osnovao je privatno preduzeće pod firmom: Preduzeće za završne radove u građevinarstvu "Adapter" DJL d. o. o. Mostar.

Djelatnost preduzeća je: visokogradnja-izgradnja, rekonstrukcija, adaptacija i opravka privrednih, stambenih i drugih zgrada, instalacioni i završni radovi u građevinarstvu. Direktor preduzeća je Džiho Ramiz, zamjenik direktora je Kasumačić Ahmed. Isti su ovlašćeni da zastupaju i predstavljaju preduzeće bez ograničenja. (so-326)

SADRŽAJ

- 282 Odluka o dopuni Odluke o pomilovanju osuđenih
lica na izdržavanju kazne zatvora po službenoj
dužnosti povodom 1. marta - Dana nezavisnosti
Republike Bosne i Hercegovine 653
- 283 Odluka o pomilovanju osuđenih lica 653
- 284 Odluka o izboru sudija-porotnika Okružnog vojnog
suda u Doboju 654
- 285 Odluka o razrješenju i izboru člana Komisije za
predstavke i prijedloge Predsjedništva Republike
Bosne i Hercegovine 654
- 286 Odluka o razrješenju sudije Osnovnog suda II u
Sarajevu 654
- 287 Odluka o razrješenju i izboru predsjednika i sudija
Okružnih vojnih sudova 654
- 288 Odluka o imenovanju okružnog vojnog tužioca i
zamjenika okružnih vojnih tužilaca 654
- 289 Uputstvo o izmjenama i dopunama Uputstva o prim-
jeni republičkih propisa u postupku obračuna i na-
plati dažbina i postupku prijavljivanja i kontrole roba 655
- 290 Uputstvo o organiziranju instruktivne nastave u ino-
zemstvu 655

USTAVNI SUD BOSNE I HERCEGOVINE

Odluka o utvrđivanju: - Odluka o uvođenju posebnog
ratnog poreza na promet proizvoda i usluga,
koju je donijela Skupština Okruza Tuzla 28. 4. 1993.
godine, u vrijeme od 1. 1. 1994. godine do prestanka

važnja 6. 8. 1994. godine, nije bila u saglasnosti sa
Ustavom i zakonom; Odluka o uvođenju posebnog
ratnog poreza na promet proizvoda i usluga, koju je
donijela Skupština Okruza Tuzla 6. 8. 1994. godine
i Odluka o zavođenju posebne naknade na promet
piva, koju je donio Izvršni odbor Opštine Tuzla 8.
7. 1993. godine, u vrijeme važnja nisu bile u sagla-
snosti sa Ustavom i zakonom; Ukida se Rješenje o
visini naknade za puteve iz cijena motornog benzina
i dizel goriva, broj 03/1-105/94, koje je donio
Izvršni odbor Okruza Tuzla 17. 3. 1994. godine 656

NARODNA BANKA BOSNE I HERCEGOVINE

Odluka o zamjeni pohabanih i oštećenih novčanica i
oštećenog kovanog novca 657

Odluka o izmjenama i dopunama Odluke o kamatnim
stopama Narodne banke Bosne i Hercegovine 657

Odluka o dopunama Odluke o načinu održavanja
minimalne likvidnosti banaka 658

Odluka o dopunama Odluke o utvrđivanju visine,
načina i rokova za obračunavanje i izdvajanje oba-
vezne rezerve 658

Obrasci za godišnji i polugodišnji obračun za
SVE korisnike mogu se nabaviti uz plaćanje
gotovinski ili preko žiro-računa u:

- "Službenom listu RBiH",
Magribija broj 3 i
- Poslovnici "Službenog lista RBiH",
Malta broj 21

Izdavač: Novinsko-izdavačka organizacija Službeni list RBiH - Sarajevo, Ulica Magribija 3 - Poštanski fah 3 - Direktor i odgovorni urednik
Mehmedalija Huremović - Telefoni - direktor: 663-470, fax 663-470 - Redakcija i Pretplata: 663-471 - Računovodstvo: 651-257 - Poslovnica, Malta
21, telefon 657-441 - Akontacija pretplate se utvrđuje kvartalno, a uplata se vrši UNAPRIJED u korist računa: 10100-603-1396 za dinarsko
poslovanje i računa: 10100-603-639 za devizno poslovanje - Kompjuterska obrada: NIO Službeni list RBiH Sarajevo - Štampa: »OKO« dd sa p. o.
Sarajevo - Za štampariju Rasim Rapo - Reklamacije za neprimljene brojeve primaju se 20 dana od izlaska lista.

Prema mišljenju Ministarstva obrazovanja, nauke, kulture i sporta broj: 08-114-4/95 od 13. 3. 1995. godine, službeno glasilo smatra se proizvodom
iz člana 19. stav 1. tačka 12. Uredbe sa zakonskom snagom o porezu na promet proizvoda i usluga, za koje se ne plaća porez na promet proizvoda,
a po mišljenju Ministarstva finansija broj 05-021-1768/95 od 28. 3. 1995. godine, prodaja službenog glasila ne spada u prodaju proizvoda koji služe
krajnjoj ličnoj potrošnji, te ne podliježe plaćanju poreza trgovine na malo.